

⁴ genus est infortunij, fuisse felicem. Sed quod tu, inquit^a, falsæ opinionis supplicium luis, id rebus jure imputare non possis. Nam si te hoc^b inane nomen fortuitæ felicitatis movet, quæam plurimis maximisque abundes, mecum reputes licet. Igitur si quod^c in omni for-

tunæ tuae censu pretiosissimum possidebas, id tibi divinitus illæsum ad-

huc, inviolatumque servatur, ^d poteris ne meliora quæque retinens,

de infortunio jure^e caussari? Atqui viger in columis, illud pretiosissi-

mum generis humani decus,^f Symmachus sacer, &, quod vitæ pre-

gio^g non segnis emeres, vir totus ex sapientiâ, virtutibusque factus,^h

10. suarum securus, tuis ingemiscit injuriis.

INTERPRETATIO.

^a Philosophia. ^b inter omnia fortuna [bens. ^c nihil injuriarum sibi timens.
tua bona. ^d accusare calamitatem. ^e lu-]

NOTE.

^{4.} Genus infortunij fuisse felicem.] Non quidem re (quod enim præterit, id non est amplius, adeoque, cœu nihilum, te non potest re ipsa affigere) sed cogitatione: sicut enim memoriâ malorum præteriorum recreamus: *hac olla meminisse juvabit*, Virg. quòd hâc de quadam nostrâ potestate, industriâ, aut quadam aliâ bonâ qualitate admoneamus: sic bonorum præteriorum memoriâ affligimus, quod hâc nostrâ infirmitatis convincamus: quemadmodum enim placet potuisse, sic displicer homini gloria avido non posse.

^{5.} Falsæ opinionis supplicium.] Est quidem supplicium sive pena mentis, memoria præteritæ prosperitatis: siquidem, ut dictum est, mens hâc memoriâ affligitur: sed supplicium illud falsæ opinionis est: cùm ex hâc oriatur, quòd mens præcipitatione & præjudicio acta falso judicaverit præteritam illam præteritatem constantis alicujus boni rationem obtinere. Quamobrem id supplicium rebus jure imputare non possit: nemo quippe errat nisi volens.

^{6.} Inane nomen fortuita felicitatis.] Cùm metus amittendæ ejus, quæ inconstans foret, felicitatis sit vera milie-ria, idcirco nulla re ipsa est felicitas, nisi constans: quòd igitur fortuita felicitas instar fortunæ, à qua oriri dicitur, sit inconstans, propterea hac nihil habet felicitatis nisi inane nomen.

^{7.} Poteris-ne meliora retinens de infortu-
nio jure caussari.] Sed esto, inquit Philo-
losophia, quæ fortuita, sit vera felici-
tas: cùm maximam partem bonorum,
quæ fortuna accepta referri debere arbit-
raris, retineas, felix potius quæam in-
felix de infortunio jure non potes caussari.
Caussari, vel ut nunc à pluribus scribi-
tur, *causari* propriè nihil est aliud
quæam causam alicujus effecti quætere
aut afferre: Sic Virg. Eclog. 9. v. 56.
*Caussando nostros in longum ducis amo-
res.*

Quare Boëtius, qui hactenus de adver-
sâ fortunâ conquestus, ab eâ videtur
tanta inconstantia causas quæviscisse,
non malè nunc dicitur *caussari*: quam-
vis immerito *causetur*: ut jam Philo-
losophia demonstrabit, enumerando bona
meliora, quæ Boëtio supersunt, nem-
pe sacerorum, uxorum, Liberos, ipsum
quoque animum.

^{8.} Symmachus sacer.] I. Philo-
losophia commendat Symmachum sacerorum
Boëtij. Plures fuerunt Symmachi, quo-
rum stemma, si placet, legere poteris
apud Jacob. Sirmondum ad 7. lib. epist.
Ennodij. Hic autem agitur de Symma-
cho, qui consul fuit sine collega sub
Odoacre anno Christi 485, quique à
Theoderico rege inter alios delectus est
judeo in causâ Basilij & Prætextati, qui
magicarum artium accusabantur: ut
refert Cassiodor. I. 4. var. ep. 22.

CONSOLATIONIS PHILOSOPHIÆ. LIB. II. 119

^{9.} Vivit uxor^a ingenio modesta, pudicitia pudore præcellens, &, ut
omneis ejus dotes breviter includam, ^b patri similis. Vivit, inquam,
tibique tantum, vitæ hujus exosa, spiritum servat, quoque uno felici-
tatem minui tuam, vel ipsa concesserim, tui desiderio lacrymis, ac do-
lore tabescit. ^{10.} Quid dicam Liberos^c consulares, quorum jam, ut in
id ætatis pueris, vel^d paterni, vel^e aviti specimen eluet ingenij:
^{11.} Cùm igitur præcipua sit mortalibus vitæ cura retinenda, ô te si
tua bona cognoscas, felicem, cui suppetunt etiam nunc, quæ vitæ
nemo dubitat esse cariora! Quare sicca jam lacrymas. Nondum est
10. ad unum omneis^f exosa fortuna,

INTERPRETATIO.

^a Rusticana. ^b Symmacho. ^c qui jam | f ancoras.
conspiciles fuerunt. ^d Boëtij. ^e Symmacho. |

NOTE.

Hujus enim Symmachi duæ fuerunt fi-
liae; nempe Galla, de quâ præter Ful-
gentium loquitur Gregor. Magnus 4.
Dial. 13. & Rusticana Boëtij uxor, ex
quâ alter Symmachus natus est, Boëtij
parentis collega in consulatu, & prædi-
cti Symmachi nepos. Neque verò præ-
stantissimus ille vir suarum injuriarum
securus ita erat, ut videbatur Boëtio
propter eam, quâ apud Theodericum
valere videbatur, gratiam & auctorita-
tem: inconstans enim ille rex impis
delatorum criminationibus incitatus,
Symmachum sacerum unâ cum Boëtio
genero occidi justit, auctore Procopio
I. i. de bello Goth.

^{11.} Cùm igitur, &c.] Ex prædictis
Philosophia concludit, Boëtium adhuc
esse felicem: quasi dicat: cuicunque
suppetunt ea, quæ vitæ nemo dubitat
esse cariora, ille felix haberit potest:
felix enim qui summo fruatur bono;
quale esse videtur illud, quod est ipsâ
vitæ carius: si quidem vitæ retinenda,
ut potest præstantissimo bono præcipua est
mortalibus cura. Atqui tibi Boëtio
suppetunt ea quæ vitæ nemo dubitat es-
se cariora; sacer videlicet, uxor, &
Liberti omni virtutum genere præstantis-
simi. Crediderim haec verba, ô te si tua
bona cognoscas, non fuisse dicta sine memoriâ
istorum Virgilij 2. Aen. v. 458.

O fortunatos nimium, sua si bona no-
rint,
Agricolæ:

²³ Alius prole latus, filij, filiae-ve^a delictis mœstus illacrymat. Iccirco nemo facilè cum fortunæ suæ conditione concordat, inest enim singularis, quod inexpertus ignorat, expertus exhorreat: Adde quod felicissimi cuiusque delicatissimus sensus est, & nisi²⁴ ad^b nutum cuncta s. suppetant,^c omnis adversitatis insolens, minimis quibusque prosterntur,^d adeo perexigua sunt, quæ fortunatissimis beatitudinis summam detrahunt.

INTERPRETATIO.

a vitiis. b ad arbitrium omnia adsint.] parva.
c nulli adversitati affuetus. d usque adeo]

NOTÆ.

felicitas hæc sæpius orbitate turbatur: orbus liberis, alieno censum nutrit heredi: Seneca in Hippolyto v. 1148.

O triste fractis orbitas annis malum! Heres ab herbo dictus, quasi is sit bonorum dominus, apud Jurisperitos duplicitis generis: nempe suus, & externus. Sæpi Heredes, ut dicitur Institut. 1. 2. tit. 19. §. 2. ideo appellantur quia domestici heredes sunt & vivo quoque patre quodammodo domini existimantur, veluti filius, filia, nepos, neptis ve ex filio, & deinceps ceteri liberi. Extranei verò, qui hinc vocantur alieni heredes dicuntur ceteri. ait Vinnius, qui non sunt sui & domestici. At quantum homo se suoque amans suis heredibus latus, tantumdem de extraneis vivo alienis afflictatur. Ecclesiastæ 4. considerans reperi & aliam vanitatem sub sole. Vnus est & secundum non habet, non filium, non fratrem, & tamen laborare non cessat, nec satiantur oculi ejus divitiis, nec recognit dicens: cui labore & fraude animam meam bonis: in hoc quoque vanitas est & afflictio pessima.

²³ Alius prole latus.] Quintum exemplum est de eo qui prole natâ latus. Quod homo ad Dei imaginem conditus æternitatem appetat, quodque hanc in terris assequi non valeat, hinc fit ut parentes uterque ortâ prole, veluti magnâ sui parte sibi olim succellurâ latetur: Joan. 16. mulier non meminit pressura propter gaudium, quia natus est homo in mundum. At quantâ lætitia parentes perfunduntur natis liberis iisdemque virtutem coletibus, tantâ iisdem afficiuntur tristitia, si hos liberos vide-

rint vitiis indulgere: parentis filii filiae delictis mœstus illacrymat: ut nunc dicitur: Proverb. 10. filius sapiens latifat patrem: filius vero stultus mœstia est matris sue. Nimis quod liberi videantur sanior perenniorque parentum pars, hos parentes optant semetipsis meliores.

²⁴ Ad nutum.] Ad voluntatem. Nutus à nudo sive movendo dictus propriè motum corporis significat: sic movendo caput oculos-ve dicimur annuere & abnuere vel renuere. Quoniam verò ille corporis nostri motus nostram voluntatem consuevit indicare; hinc factum est, ut, signo pro re significata accepto, nutus non modò humanam, sed divinam quoque voluntatem significaverit: ex quo etiam numen ipsam Dei voluntatem notat, ut apud Virg. 11. Æn. v. 336.

— Numine Divum
In flammis & in armis feror.

Et versu 777.

— Non hec sine numine Divum
Eveniunt.

²⁵ Suppetant.] Adsint: quia enim quod petitur, id sæpius impetratur, usus obtinuit, ut suppetere idem sit quod adesse, quasi perendo impetratum. Hinc suppetia, quas sibi suppetere rebus adversis periclitantes expetunt.

²⁶ Omnis adversitatis insolens.] Nulli adversitati affuetus. Insolens enim quasi non solens: solens autem is dicitur, qui id, in quo totus est, facit; quasi in solo unoque hoc negotio versatus: quare insolens adversitatis is est, qui adversitati

²⁷ Quam multos esse^a conjectas, qui sese^b cœlo proximos arbitrentur, si de fortunæ tuæ reliquiis pars eis minima contingat? Hic ipse locus, quem tu exsiliū vocas, incolentibus patria est. Adeo nihil est miserum, nisi cum putes^c: contraque^d beata^e sors omnis est aqua- nimitate tolerantis. Quis est ille tam felix, qui cum^f dederit impatientiæ manus, statum suum mutare non optet?^g Quam multis amaritudinibus humanæ felicitatis dulcedo respersa est! quæ si etiam fruenti jucunda esse videatur, tamen, quod minus, cum velit, abeat, retineri non possit.

INTERPRETATIO.

a non dubitas. b beatos. c aliiquid in | tio, si aquo animo feratur. e putaverit eo esse miseria. d felix qualibet condi- | imparabilem.

NOTÆ.

non est affuetus. Atque hic, ut nunc additur, minimis quibusque prosterntur adversitatibus; quod mens ejus his motibus non assueta, minimo turbetur: ut enim ab affuetis non fit, sic ab insuetis fit passio: quemadmodum loquuntur Philosophi: usque adeo perexigua sunt que fortunatissimis beatitudinibus summam detrahunt. Summa Arithmeticus, est universitas quædam, quæ ex pluribus minoribus addendo conficitur, aut ex quâ minorem subtrahendo, quædam restat: quamobrem summa beatitudinis hîc nihil est aliud, quam beatitudinis fastigium le comble du bonheur.

²⁷ Quam multos.] Sextum exemplum est de ipso Boëtio, de cujus fortuna reliquis si pars minima pluribus aliis hominibus contingere, hi felices, sese cœlo proximos arbitrarentur: cum tamen ipse Boëtius sese putet infelicem.

²⁸ Beata sors.] Beatus homo, cuius mens cogitando ira constans est, ut instar libræ æquatis ponderibus firmata nec erigatur prosperis, nec adversis deprimatur. Sed homo ille rarus est in terris: nam quis est ille tam felix, qui cum

²⁹ Dederit impatientia manus.] Impatientia vincit se passus fuerit: sic loquitur Tullius de amic. atque, inquit, ad extremum dat manus, vincit se patitur: nimis quod manibus præfertim homo sese tueri soleat, ubi primum intelligi-

tur vietas manus dedisse, hic intelligi- tur vietus.

³⁰ Statum suum mutare non optet.] Instar hominis ægri, qui cujuslibet si- tús impatiens, partes se vertit in omnes.

³¹ Quam multis amaritudinibus, &c.] Jam monuimus, mentem humanam véluti medium inter Deum, humanumque corpus, quatenus est opus Dei & forma hujus corporis, & à Deo & à corpore humano commoveri: hinc autem putamus oriri amaritudinem & dulcedinem humanæ felicitatis; dulcedinem quidem à Deo commovente; amaritudinem ve- rò à corpore: quare cum homo quādiū perseverat, ab utrāque hæc causâ afficiatur: idecirco nihil homini dulce est nisi cum amaro conjunctum: quamobrem de quacumque corporis voluptate dici potest, quod Lucerius de amore dixit 1. 4.

Eximiā ueste, & victu, convivia, iudi, Pocula crebra, unguenta, corona, ferta parantur:
Nequicquam: quoniam medio de fonte leporum
Surgit amari aliquid, quod in ipsis flo- ribus angat.
Quin ipsa etiam dulcedo in hœc ama- ra, quod invito ipso homine, qui illâ affici videtur, abeat irrevocabili; nec retineri possit ad nutum, quo minus abeat: ut hœc dicitur,

nec tibi nimium valida¹² tempestas incubuit, quando tenaces hærent ancorae, quæ nec presentis solamen, nec futuri spem temporis abesse patientur. Et hærent, inquam^a, precor; illis namque manentibus, utrumque res se habeant,^b enatabimus. Sed¹³ quantum decus ornamentis nostris decesserit, vides. Et illa,¹⁴ promovimus, inquit^c, aliquantum^d,¹⁵ si te nondum totius tuæ sortis piget. Sed¹⁶ delicias^e tuas ferre non possum, qui abesse aliquid tuae beatitudini tam luctuosus atque anxius conqueraris. Quis est enim tam^f compositæ felicitatis, ut non aliquâ ex parte cum statu sui qualitate¹⁷ g rixetur?¹⁸ h Anxia enim res est humanorum conditio bonorum, & quæ vel numquam tota proveniat, vel numquam perpetua subsistat.

INTERPRETATIO.

a ego Boëtius. b evademus. c Philosophia. d aliquem fecimus progressum. e mollitem tui animi. f perfecta. g disceptet. h acerba.

NOTÆ.

12. *Tempestas.*] Allegoria ipsi Ciceroni usitatissima: ubi nominata tempestate intelligi debet fortunæ saevientis impetus, quod utroque homines videantur obrui: nominatis anchoris tenacibus, familiares constantissimi, quod utrilibet que presentis solamen, & futuri spes temporis adesse possit. Quamobrem sicut, manentibus anchoris, nautis remanet spes enatandi; sic, remanentibus praedictis familiaribus, Boëtius meliorem sperare potest fortunam.

13. *Quantum decus ornamentis nostris decesserit.*] Amissis videlicet opibus dignitatibus nostris.

14. *Promovimus aliquantum.*] Aliquem in tui consolatione profectum fecimus, inquit Philosophia: promovere enim aliquando idem quod profere: ut apud Terent. in Hecyr. abibo hinc; praefens quando promoveo parum.

15. *Si te nondum totius tua sortis piget.*] Si nondum te omnino infelicem putas: differunt pudet & piget; quod prius turpitudinem, posterius noxam rei videatur potius significare: unde Cicero pro dom. me non solum piget stultitia mea, sed etiam pudet.

16. *Delicias.*] Hoc est, animi molliem. Delicias enim ab eo videntur dictæ, quod animus his alliciatur, dicuntur enim ab de & lacio, traho; inde latet,

illecat, delectat, oblectat, allicit, illicit, elicit: Sic Lucret. 1. 5.

Quæ lacere in fraudem possent vincere que tenerent.

Unde fortè nostrum Gallicum lacer, unlacet. Hinc quod animus qualibet perturbatione, sed amore p̄fertim & voluptate alliciatur, propterea qualibet perturbatio, sed amor p̄fertim & voluptas deliciae vocantur: quo fit ut deliciae modò in bonam, modò in malam partem accipiantur: sicut ergo molliities corporis in hoc versatur, quod illud facile possit in quemcumque locum versari; sic delicatus dicitur ille animus, qui contraria affectioni obnoxius undique potest facilè flecti: qualis Philosophia videtur Boëtius, ut pote qui abesse aliquid sua beatitudini tam luctuosus atque anxius conqueratur.

17. *Rixetur.*] Disceptet. Rixa, lis est sive contentio inter duos plurēs ve homines, quorum alter repetit quod alter reddere renuit: quare nisi lux divina fulgeat, in omni hominum genere perpetuae sunt rixæ: quod homo & status eius ceu quædam partes ita opponantur, ut ille homo quædam videatur à suo statu repetrere, quæ status hic renuit reddere: nemo hinc ex omni parte beatus.

18. *Anxia res est humanorum conditio bonorum.*] Anxiū dicitur illud, quod

19. *Huic*

¹⁹ a Huic census exuberat, sed est pudori degener sanguis. ²⁰ b Hunc nobilitas notum facit, sed angustia rei familiaris inclusus, esse mallet ignotus. ²¹ Ille utroque circumfluuus, vitam cœlibem deflet. ²² Ille nuptiis felix, orbis liberis, alieno censem nutrit heredi.

INTERPRETATIO.

a unus opibus abundat, sed eum pudet sua pertate premitur. c tertius & dives & negligibilitatis. b alter nobilis est, sed paup bilius se conjugi carere dolet. d opes parat.

NOTÆ.

solicitudine mœstâ premit: anxiū enim dicitur ab angō: hoc à Græco ἀγνοεῖ, constringo primū quidem fauces, deinde mentem: hinc angustus & angustia, cùm quis tanis difficultatibus premitur, ut quod se vertere debeat, ignorat. Atqui humanorum conditio bonorum solicitudine mœstâ animum premit: quod enim humana hæc conditio aut nunquam absoluta fuerit, aut numquam perennis, semper locum relinquit aut appetendæ absentium bonorum adēptionis, aut timendæ præsentium jaēturæ: unde animi anxietas: ut pluri bus exemplis deinceps confirmabit Philosophia.

19. *Huic census exuberat.*] Primum exemplum est de divitibus, iis scilicet, quibus, quod hi opibus abundant, census dicitur exuberare. Census enim à censendo dictus opes significat: unde Claudian. Carm. 1. 3. od. 2. pauperiem vocat angustum.

Angustum, amici, pauperiem pati
Robustus acri militiā puer
Condiscat.

21. *Ille utroque circumfluuus.*] Tertium exemplum est de iis, qui pariter divites sunt & nobiles; sed qui in hoc se putant infelices, quod vitam ducant conjugij expertem: vitam cœlibem deflent: vita enim conjugij expers, vocatur cœlebs: forte quia cœlesti similis.

22. *Ille nuptiis felix.*] Quartum exemplum est de eo, qui uxore felix est: quod prædictis nuptiis optimè significatur: quamvis enim nuptia non sint sine utroque conjugi, melius tamen nuptia dicuntur de uxore quam de marito: quod cùm illa sponsa deduceretur ad matrem, faciem flameo nuberet sive velaret: hinc nupta, connubium, &c. Magna porrè felicitas mariti, cuius est optimâ uxori: donum cœlestis est. Proverb.

19. *domus & divitiae dantur à parentibus,* à Domino autem proprie uxori prudens. At

ANICH MANLII SEVERINI BOETII

^{124.} Liquet igitur quām sit mortalium rerum misera beatitudo, quā nec apud aequanimos perpetua perdurat, nec anxios tota delectat. ³³ Quid igitur o mortales extra petitis intra vos positam felicitatem? Error vos inscitiaeque confundit. Ostendam breviter tibi summae cardinem felicitatis, citatis. ³⁴ Est ne aliquid tibi te ipso pretiosius? ³⁵ Nihil, inquires. ³⁶ Igitur si dū tui compos fueris, ³⁷ possidebis ³⁸ quod nec tu amittere unquam velis,

INTERPRETATIO.

a vestram mentem. b o Boeti. c tuā [mente. d tua mentis.

NOTE.

^{32.} Liquet igitur, &c.] Philosophia ex prædictis exemplis concludit, quod probandum suscepit à notā 18. felicitatem hominum præsentem nec adeo absolutam esse, ut non anxios tota delebet, nec adeo perennem, ut apud aequanimos perpetua perdure. Jam ipsa Philosophia ad id, unde digressa fuerat, reuicta ipsum Boetij animum considerabit.

^{33.} Quid igitur, &c.] IV. Philosophia commendat animum Boetij, aitque primum Mortales frustra extra se pertere, ut in amicis, uxore, liberis, uno verbo in corpore, quam habent intra se, videlicet in mente, positam felicitatem: deinde addit eosdem mortales errore inscitiaeque confundi: quod nimis extra se querant, quam intra se habent, felicitatem: ubi notandum errorē & inscitiam differre cū in aliis, tum in hōc, quod error omnis ab inscitia oritur, ita ut possit esse inscitia sine errore, sed non error sine inscitia: postea promittit se ostensuram Boetio summam cardinem felicitatis: sive id in quo præcipue versetur summa felicitas: quod enim cardo sit, in quo janua vertitur, in usu est, ut id in quo negotium aliquod vertitur, vocetur cardo. Virg. I. En. v. 676.

— Haud tanto cessabit cardine rerum.

^{34.} Est-ne aliquid tibi teipso pretiosius? Quamquam Boetius, ut quilibet alius homo, corpore constet & mente coniunctis, nihilominus relisto corpore Philosophia Boetium ad unam mentis suę considerationem revocat, quasi ad

primum beatitudinis, quām querit, sonum: idque vocat totum Boetium: tibi, teipso: sicut Apostolus Roman. 7. infelix homo, inquit, quis me liberabit de corpore mortis hujus? Est-ne igitur, inquit Philosophia Boetio, aliquid tibi teipso pretiosius?

^{35.} Nihil.] Inquit Boetius: quicquid enim divinitus factum naturali lumine novi, id aut mea mens est, aut corpus quod vulgo dicitur materia: sed mea mens vel ex ipso, est corpore sive materiā pretiosior, quod materiam hanc, à quā ipsa cogitari nequit, cogitet ipsamque ad arbitrium huc illucque, sapientia cogitando, veretur.

^{36.} Igitur si tui compos fueris.] Si tuā mentis tantam habueris & notionem & potestate, ut illā notione ductus hāc potestate numquam abutaris: compos enim & impos dicuntur à potis: unde dicimus compotem & impotem: sicut ratiocinatur Varro: potis autem dicitur vel à pateo quod pateat illi quicquid velit, vel à Doricā præpositione non juxta, quod quā juxta nos sent, in nostrā censentur potestate, ut placet Vossio: nam, inquit Servius ad Ecl. 9. Virg. quomodo vītores dicimus vīti compotes, qui quod volunt faciunt; sic vītores è contrario vocationis impotes, qui non possunt facere quod volunt.

^{37.} Possidebis.] In tua potestate erit. ^{38.} Quod nec tu amittere unquam velis.] Crescente enim tuā mentis adeoque tuā originis notione, crescat & tuus in tuā mentem tuamque originem amor: cūm exteriora bona tantò minùs amentur, quantò magis cognoscuntur.

CONSOLATIONIS PHILOSOPHIAE. LIB. II. 125

^{39.} nec fortuna possit auferre. ^{40.} Atque ut agnoscas in his fortuitis rebus beatitudinem constare non posse, sic collige: ^{41.} Si beatitudo est summum naturae bonum ratione degentis, nec illud est summum bonum, quod eripi ullo modo potest; quoniam præcellit id, quod ^{5.} nequeat auferri: manifestum est, quod ad beatitudinem percipiendo fortunæ instabilitas aspirare non possit. ^{42.} Ad hāc, d quem caduca ista felicitas vehit, vel scit eam, vel nescit esse mutabilem. Si nescit, quānam beata fors esse potest ignorantia cœcitate? Si scit, metuat necesse est, ne amittat, quod amitti posse non dubitat: quare continuus timor non sinit esse felicem. An vel si amiserit, negligendum putat? sic quoque peregrine bonum est, quod aequo animo feratur amissum.

INTERPRETATIO.

a mentis ratione predita. b fortuna in- | rea. d qui hāc felicitate mortali afficitur, | constans esse non possit beatitudo. c preto. | hic etiam si.

NOTE.

^{39.} Nec fortuna possit auferre.] Mens enim tua tuaque proinde cogitatio ita sunt tui juris, nihil ut in eas inconstans fortuna possit. Potest quidem fortuna quam jactat suam felicitatem tibi optandam proponere: sed persuadente fallere non potest nisi volentem: non prius autem id volueris, quām immemor tuā mentis ejusque originis, scit fūsius alibi probavimus. Hic autem non agitur de priori, sed tantum de posteriori summo bono, quippe quod dicitur natura ratione degentis, hoc est mentis humanae modus.

^{40.} Atque ut agnoscas, &c.] Philosophia tandem, proposita mente humana bonisque externis, quibusdam argumentis probat veram felicitatem in mente potius, quām in ceteris bonis versari: quā quidem argumenta ut percipiuntur, notandum apud Philosophos Morales summum bonum duplicitis esse generis: aliud quidem in genere Rei: aliud in genere Modi. Prius est res summè perfecta: unde nihil est aliud quām Deus: quare Propheta rex Psal. 143. descriptione facta potentum, quorum filii, inquit, sicut novella plantaciones in juventute suis; filii composita, circumornata sicut similitudo templi; promptuaria plena eructantia ex hoc in illud; oves factos abundantes in egressibus suis; boves crassæ; in quorum plateis non est ruina mactaria, neque transitus neque clamor; quos denique beatos dixerunt, addit: beatus

^{41.} Si beatitudo, &c.] Primum argumentum, quod potest sic proponi. Quod bonum eripi potest, hoc est, invito eo cuius est, amitti, illud non est summum bonum; ne quidem in genere modi: quandoquidem in hōc ipso genere melius est illud quod eripi non potest. Atqui omne fortunæ bonum eripi potest: propterea enim fortuna instabilis est. Contrā verò bonum mentis cuiusmodi est virtus, non potest eripi, hoc est, invito eo cuius est, amitti.

^{42.} Ad hāc.] Secundum argumentum, quod potest sic institui. Quicumque, fortunā dante, felix habetur, hic vel scit vel nescit, se invito, hanc fortunæ felicitatem esse mutabilem: sed quovis modo se habeat, revera felix non erit: si enim nescit, hanc fortunæ felicitatem sic esse mutabilem, hic versa-

⁴³ Et quoniam tu idem es, cui persuasum atque insitum permultis demonstrationibus scio, menteis hominum nullo modo esse mortaleis: cumque clarum sit, fortuitam felicitatem corporis, morte finiri: dubitari nequit, si haec auferre beatitudinem potest, quin omne mortalium genus in miseriam, mortis fine, labatur. Quod si multos scimus beatitudinis fructum non morte solum, verum etiam doloribus, suppliciisque quæfisse, quoniam modo præfens vita facere beatos potest, quæ miseros transacta non efficit.

INTERPRETATIO.

NOTE.

bitur in ignorantia cœcitate, quæ stante nulla beata sors esse potest. At si scit, hanc fortunæ felicitatem sic esse mutabilem, idem hanc felicitatem aut timet amittendam, aut dolebit: aut saltem neglet amissam, sed ut timor, sic dolor non finit esse felicem, nec magni faciendum, quod a quo animo feratur amissum.

⁴³. Et quoniam, &c. | Tertium argumentum quod sic disponi potest. Quæcumque felicitas morte finiri potest, haec non nisi nomine tenus felicitas est: siquidem felicitas vera, non se-

cus ac ipsa mens humana, cuius est, quamque ut insitum sic multis demonstrationibus persuasum est esse immortalem, immortalis esse debet. Atqui felicitas fortunæ, ut pote quæ corporis est, morte finiri potest: unde plures alterius beatitudinis fructum, non morte solum, verum etiam doloribus, suppliciisque quaerunt; idque eò potius, quod vita haec temere credatur felicitas: si enim vita haec felicitas vera fuerit, necesse est, ut mors, quæ est hujus felicis vitæ privatio, vera miseria habeatur.

**METRUM IV.**

CARMEN constans duplice genere versuum alternorum, quorum prior Anacreontius post primum pedem, qui potest esse vel iambus, vel spondeus, vel etiam anapæstus, duos iambos habet cum syllabâ superflite; posterior Phærecreatus spondeum, dactylum, & spondeum: excipitur tamen verlus octavus, cujus primus pes est anapæstus.

ARGUMENTUM.

PHILosophia, exemplo ædium, quæ perennes non sunt, si aut sublimiores, ventis percutiantur, aut depressiores, arenis immergantur, docet pari prudentiâ & summas & infimas conditiones homini esse fugiendas, ut quietus tutus que vivat.

Quisquis volet perennem
Cautus ponere sedem,

INTERPRETATIO.

Quicumque optat tutus locare domum | perpetuam,

NOTE.

1. **Perennem sedem.** | Domum per annos plures duraturam: sedes enim apud Latinos auctores, præsertim poëtas, significat domum: perenne vero à pluribus annis, per quos durat, dicitur: hinc perennare idem quod diu perseverare: hinc Anna Perenna, cui veteres vota faciebant, ut annare perennareque commode liceret, auctore Ovidio 3. Fast.

2. **Cautus.** | Tutus: nam cautus à cavere: cavere autem iudicio Varronis à ca-vo; quod prisci illi, inquit Pontanus, qui Latium etiam ante Aborigines tenuere plenique in cavernis habitabant, quæ à cavernando essent dicta; iis autem & abus cævebant & frigora, pleraque etiam alia incommoda, in illisque se & sua cætus tutaban-

tur: hinc cavernæ, cautio, cautor à Juris-consultis dicuntur de iis, quibus divitiae tutæ sunt & securæ. Quoniam vero vir prudens, cogitationibus suis veluti propiciens, se suaque tuetur, idcirco cautus, catusque vocari solet. Horat. de arte.

— **An omnes**
Visuros peccata putem mea, tuius &
extra
Spem venie cautus? vitavi denique cul-
pam.

Et li. 1. Carm. od. 10.

Mercuri facunde nepos Atlantis,
Qui feros cultus hominum recentum
Voce formasti catus, & decora
More palæstra,